


181
:7



槐塘詩稿卷十五

錢塘汪沆西顥著

竹裏館集

下

題傅玉笥先生蓬山望闕圖

曾侍

先皇香案前
聲名官職豔
神仙鏡湖乞
得歸來後
夢繞觚棱四十年

祝

釐已晉青宮
秧謁

駕還邀璇榜
頌白髮老臣
私自喜又從

行殿觀

龍顏

山屏水鏡抱幽情志纂西湖已進

呈誰似文章衣鉢盛門生門下見門生

學靜齋中多歲月信天屋裏富縑緗兩文敏鷗波香光若論

書法一字千金世寶藏

傷家蘭厓和海住宗伯韻

曾記春風軋畫舫湖邊幾度泊僧庭晚春蘭厓招集湖舫作燒笋會是日

風甚烈舟行多阻方期夢草常畱句何意郎官忽隕星大噓鐘

鳴相迭響老拳電掣幾曾停蘭厓善笑尤喜拊戰傾倒一座半酣動我

人琴感餘韻還聞振珮玲

莊均齋大使索題先公番禺相國授經圖遺照

櫻筍亭前戶畫眉牙籤萬軸有餘馨知公不羨鄉媛用

祇課忠經與孝經

溫飽何心營一身獨持經術布經綸東南水利多遺澤

到處甘棠咏部民公撫浙於海塘修防工最鉅調撫江蘇開濬三江迄今咸沾其利

為看鍾山日上樓雙圖記繪白門秋乙酉八月公赴江寧監臨約予偕行

棘圍事竣予寓公館小樓面對鍾山公每日登樓笑日相看兩不厭也此圖作於樓上同時予亦寫有嗜酒愛

修竹圖 騎箕竟爾歸天上展卷難禁老淚流

豐價求歸豈偶然連城趙璧汶陽田一經好繼韋家業

庭誥清芬百世傳

此圖曾失去均齋於吳趨舊肆重價購歸重爲裝潢

題閉戶讀書圖戲廣其意

閉門覓句陳正字閉關頌酒劉伯倫苦吟嗜飲昔賢有
詎所論於媚學人窺園何礙讀書趣鳶魚飛躍天機眞
敦敦書案不踰闕心花日萎意蕊陳身行萬里讀萬卷
始知下筆如有神

百藥自製瘞骨墻銘來乞詩

萬古一棺灰人生總如寄由來賢達人彭殤視一致夫
君癩似僧勤學忘寢饋著書數萬言抉精究終始辛苦
成瘵疾芥朮積盈筥藥籬堂前篩藥鑪几畔置料理百

年身冉冉老將至巾子峯傍湖自營埋苦器詎從浮屠
教生壙師古意髮膚受諸親齒冷茶毗棄

二鳥歎

危巢居松顛糾枝互鉤束一鳥將入巢一鳥飛相逐兩
鳥鬪巢口血灑毛羽禿一鳥墮地隕一鳥竟潰腹日暮
一鳥來將子安然宿棲止有前定何用相擊撲吁嗟今
之人毋踐二鳥躅

喜韓門弟南歸同篠飲作

歸期間早決纔報一帆還久別疎良訊相看非舊顏心
情兩湖畔著述六經閒自有名山富何勞歎鬢斑

情親本兄弟祇訝各衰年衡宇一橋隔往來雙屐便養
疴棲白社長物剩青氈辛苦刊家集囊空賣賦錢

洗硯圖

端溪割得紫雲腴膩質不受纖塵汗磨之以墨墨自漬
彪紋犀紋形模糊人心譬硯本湛白嗜欲相乘垢乃積
應知滌硯如滌心浴德澡躬俾無迹娟娟修竹藹成林
湛湛清溪深復深讀書抱石傍溪住內淨外瑩兩不侵
篠飲於西湖新製一舫名自度航寢處其中賦
詩以攄胸抱索予和章因成二律應之

一艇夷猶自在身柳汀花港蕩煙輪酒誇上頓堪娛老

畫賣千金不慮貧風幔捲來延遠嶂水窗拓處健吟人
才名第一標秋榜未許頭銜署幸民

軟琉璃裏趁閒身月地花天占一輪泊岸怕逢俗士駕

持齋偶學老僧貧

舟中水手有長齋者故戲及之

南屏鶴料誰遺券孤

嶼梅花得替人水枕日看山俯仰讓君獨作葛天民

訪陶篁村泊鷗莊卽顧且菴侍御丹井山房舊

址畱題二首

冲晦先生宅咸平處士居由來高隱者每與世緣疎卻
軌辭殘客垂簾暇著書夢香雲嬾句吟社幾人如篁村自題

泊鷗莊有句云野老門庭雲亦嬾荷花世界夢俱香

竹籬通野屋丹井傍孱顏相傳井為葛洪鍊丹處遺跡空千載誰人得九還求仙多所誤樂道莫如閒待取高樓築重來

飽看山

諸虛白學博雨中招集宗陽宮

故宮空想鬱崔嵬藥院丹房相向開幾處遺松蝕鱗甲

無多剩石繡莓苔道人自識觀魚樂酒客何嫌冒雨來

任老吟魂呼不起月明曾記躡層臺元任松卿住宮內有月夜與楊載登

老君臺詩

送邵二雲編修入都

結交不厭晚所貴在知心君不棄窮老渡江勞相尋坐

無寒暄語縱論徹古今依依不肯去樹陰移堂襟宛如

平生歡異苔本同岑

古杭稱首郡圖經曠失修文獻日就湮邦人抱私憂召

父今太守續纂急為謀闢局集羣彥琳宮敞且幽設局宗陽

宮裁成兩史材君與王方川編修椽筆班馬儔八十七年事洪

纖勤討求補遺訂訛舛腕脫不厭休慚予蹇劣質駑馬

附驥驪

公今還

朝去高步白玉堂恭聞崇儒代

天府羅文昌宏開四庫館萬軸富琳瑯羣集兼祕冊大

吏進四方存汰慎所擇庶副

延閣藏

故人有陸二飛遺榮狎釣輪幽棲翟教授灑家食忘其

貧二子我石交語默見天真今獲託末契南村得三人

忽來告我別孤懷鬱不伸近別長相憶遠別傷我神男

兒結

主知乘時合致身望雲牽鄉思祿養足慰親勳名期蚤

樹來結漁樵鄰

插秧得雨喜賦

插秧需梅雨今年梅雨少芒種過三旬連朝日杲杲農

夫相聚語插遲怕秧老大河小港傍桔槔聲達曉前聞

河南旱千里無青草又聞山東饑二麥傷枯槁有客歸

致詞念之怒如擣况我父母邦水田愁乾燥願鞭癡龍

起叩首籲穹昊忽聞殷其雷旋見電光繞疾風西北來

驟雨濯林杪飛瀑四簷喧炎熇一夕埽積水盈溝塍餘

溜入池沼摑載秧馬出雨珠不足寶天心符

元后蒼黎咸懷保庶幾徧九州齊豫甦災殍

自遣

人壽雖足羨所貴在康強張目隔雲霧側耳沸蜩蟬行

步苦蹙蹙聽語旋遺忘縱邀杖國禮徒抱頽齡傷我今

七十五病臥夏日長聰明日就湮聊守安心方欹枕
 州簟消受北窗涼百年會有盡人命那得常高叟死新
 城靄何五殉祁陽熊惡耗連夕至開函淚沾裳我亦不
 暇哀我行歸北邙且酌醴醪酒家芍陂觀察適以衡酒見寄高吟四
 雖章

盲婦葬親篇

人子之事親卜葬事乃已如何今之人慢葬昧於理邪
 說惑地師遷延歲月駛一棺寄郊原淺土久忘矣期愆
 禮經訓律背我
 皇旨憤彼風水書一炬烈禍止陸家有盲婦少瞽不得

視辛苦習彈詞素髮盈垂耳鬱鬱不伸眉默默不見齒
 問婦何所憂清淚落如水三棺不克葬抱恨入地死聞
 者憫其情釀錢忽填委畚築雖草草猶勝風雨毀揮汗
 赤日中營葬在六月埋骨橫山裏盲婦嗟何人我詩木鐸比
 示上元士元秋元贊元四孫

慎勿嗜肥甘厚味實腊毒淡泊以明志衛生在菽粟伊
 昔養老禮五十始食肉年少適口多久難饜藜藿不見
 前賢貧斷齋而畫粥

慎勿羨新衣章身各有度舉世矜麗都吾自安吾素不
 衷左氏譏不稱曹風賦天寒不盈尺織婦苦誰訴笑彼

麒麟援徒矜蜉蝣羽

慎勿耽逸樂業勤乃有成一暴而十寒垂老徒營營載籍浩如海務博不如精發憤廢寢饋專一謝浮名人休我勿休雖愚亦能明

慎勿比匪人出門求三益譬蓬生麻中不扶自然直博弈好飲酒敗德之蝨賊近膩必受污周防避蜂螫蘭馨蕪則臭交友審所擇

慎勿慕廣厦圭竇亦可居先人敝廬在容膝頗有餘城中富貴宅歷歷堪數諸交衢高閨閤旁舍連門閭涼堂招清風燠館納陽烏更有闕亭館修廊繞徑紆鑿石疊

爲山引水疏作渠花樹移遠方四時爭紛敷一朝黃金盡舉目漸荒蕪轉徙屬他姓疇爲百年圖遺宅能守否爾曹賢與愚在人不在屋陋室還讀書

慎勿騰口頰賢智戒先人畢生如瓶守寡尤可保身憫彼浮薄兒矢口徇先民間古喑默默遊談轉津津諛詞取衆悅謾語欺所親興戎罔知戒無一由衷真羣然相習染何以風俗醇白圭詩三復勗哉書諸紳

寄朱排山童二樹

二樹索題畫梅花虬枝鐵幹森槎枒對畫拍案叫奇絕壓倒前輩成一家張甫贈我排山詩正始之音日讀之

澄如秋水淡如菊掃盡人間凡艷姿憶畫與詩心繾綣
可惜兩翁未謀面我言雲龍上下神可隨相知以文何
用曾相見

胡葑塘古歡書屋試龍井明前茶分韻得古字
踏青嬾出門潑火雨沾步遙想過溪亭採茶入山塢麥
顆摘筠籃焙之香溢戶我愁吟吻渴無繇津頰輔我友
有同嗜朋儕招三五揖客轉枳籬風鑪響廊廡一貼薦
冰甕遠勝百壺醺舌本淡彌甘餘味沁心腑云產清明
前價翔三倍取茶新品足貴旗槍不足數長養不待大
取之在瘠土爭先市朱門芳鮮誇食譜願言戒不時滋

培反淳古

家存齋宅看牡丹

去年會記玉玲瓏

南宋舊石龔田居侍御有玉玲瓏閣
今此石在存齋橫河西橋住宅園中

閣畔花開照殿紅今年重到看花處依舊名葩放兩叢
一叢恰對繡毬樹玉質脂痕巧相遇分明邢尹兩佳人
活色生香不相妒一叢豔發慈竹軒金鈴錦幔護堦前
扶筇往來看不厭小憩茶烹新汲泉吾家舍人老解事
每到花時羅酒器白皮松古濃覆牆風弄松枝入杯翠
晚來送客尙畱髡錯落明鐙射四垣陶寫不須絲竹鬧
花如解語坐忘言

題趙谷林徵君遺照

荷花世界柳絲鄉楊誠齋句都在先生一草堂
會記當年消

夏日曲闌干外十分涼

名園三十六鷗亭坐看羣鷗戲綠萍
卻訝晴天飛雪下風來一陣起梳翎

桓廚鄴架重琳琅過眼煙雲墮渺茫
喜有文孫傳手澤諾書泣硯不能忘

二林書屋好家居酒坐琴歌卅載餘
城裏人家十萬戶清華水木總難如

自昔論交在紀羣東潛村子最能文
瓊花街是西州路

重過難禁涕淚紛追悼長公勿藥

送袁簡齋歸金陵

小滄浪畔賦離筵秋蟀春庚十六年
差喜一樽逢故里卻驚二老各霜顛
落花舊恨還惆悵雙柳清吟且棄捐
眼底不妨同作達看山日上暗門船

西湖四月綠陰繁鷗鷺尋盟日漸暄
醉客連朝多說項三次集飲項金門上舍半舫劇談何事不推袁
瑤琨已耀雙枝秀松

菊休論三徑存世上功名棋局換瞻園
未必勝隨園

曉過澹遠亭看荷

荷花荷葉繞闌干曾向金沙港畔看
今日些些惆悵在

病夫腰腳上船難

小太湖波分入池荷花也種百千枝不甘竟負看花眼

來趁曉涼初放時

珍珠巷轉宛如村臨水人家盡閉門天際紅霞看漸散

林端隱隱露微痕

澹遠亭前扶杖過花香不及葉香多風來吹葉忽傾側

無數露珠濺碧波

孫道樹招集滄浪書屋

簾外疎籬籬外池隔池樹影綠參差晚來一霎蕭蕭雨

好是涼生燈上時

彎環水檻接風廊畱得前賢翰墨香

滄浪書屋額為吳梅村祭酒書挂幅

黃石齋先生手書詩句

市語不聞塵不到人間無此好書堂

羊角燈明替月輝忘機蝙蝠故飛飛酒人偏是貪情話

坐到宵分不肯歸

答王夢樓太守見贈三絕

琵琶腰鼓供陶寫舊說升菴與對山自古才人多作達

借澆塊壘酒盃閒

笙歌獨擁紫髯翁零落龍山夕照中輸爾風流王內史

黃雞白日唱玲瓏

重九日飲陳庄水樓夢樓率伶雛一部來歌樓上

近聞學守太常齋露下清葵興不乖我亦年來薄滋味

僧廚鍛磨可能借

題李約菴出峽圖

我昔曾經黯淡灘浪花壓船心膽寒又記刺舟十八灘
驚湍噴雪怪石攢平生敢說仗忠信夢裏猶歌行路難
從軍復上彝陵道地接巴東聽猿叫元戎奏捷金川平
搥鼓迴帆疾飛鳥夢分吉噩各有時坎止流行我聽之
太息身行萬里倦歸臥蘆垣鬢已絲今朝讀書感舊遊
依稀單舸出黃牛山尖插天蛇倒退雙崖蔽日猢猻愁
蛇倒退猢猻愁峽中地名錦城才子文章伯在昔聲華喧九陌題柱
難忘司馬橋草元尙憶揚雄宅作圖寄興亦偶然出險

如夷三樂全莫負黔州當日事好來平地作神仙

咏蟲窠有序

此物初爲嚴十區庶常從書齋樹頭所獲後歸梁
葑林編修海住摩邨二公咸有詩紀事予亦繼作
故人嚴助怛化久在昔讀書辰到西閒來散步下堦除
樹上一窠摘在手圍徑寸五長二寸色如棗赤雜似黝
外疎中空織作殊上竅下實網交紐非藤非苧質堅韌
問名不識多箝口蝶繭蠶蛹讓玲瓏雕蛤鏤蚶笑粗醜
葑林居士連牆住瞥見摩挲寶瓊玖巧偷豪奪兩不須
一枰賭勝宣城守藏襲而今五十年坐客傳觀詫稀有

我疑仙蟲羽化去遺蛻人寰畱不朽一物雖微亦足珍
少見多怪漫輕詬作詩聊爲廣異聞觸緒轉懷泉下友

太平車歌

太平車太平車田家之車制作殊上無一帷飾下有四
輪扶形雖薄畚異乘可下澤呼既免前軒後輕之困頓
亦少危坡峻坂之馳驅叱犢載出入安穩軟勝蒲君莫
羨五侯七貴丹轂耀九衢往往覆轍相望招嗟吁太平
車樂何如

前以江珧柱奉餉海住宗伯辱詩見謝內有羹
湯乍入旋傷脆醯醢均調倍助鮮清韻鳴牙酒

邊急宮商嚼出自生妍之句自註此物火候最
難惟薄切而以椒水漉之調以酸鹹麻油如作
魚鮮法乃極脆美亦不嫌腥用告中廚備採焉
予考江珧柱世人烹調多失其鮮脆得此方法
食單內庶不負海錯佳名矣率成一律和答

鮎埼亭外販江船趁伴河鮑入饌先剖去乍驚瑤玉吐
嘗來漫比荔枝圓見江鄰幾雜志郇公廚內添新製謝諷經中
別擅鮮寄語鼎娥諳薄切水晶鮓配轉增妍

湘簾

搖漾波紋垂短檐楚江竹色粉猶黏最宜攤簟看棋局

未許飛蠅集筆尖橫影月來疎亦好隔棱風入細何嫌
荷香畱取休輕捲障斷紅塵忘午炎

海住宗伯前示道古堂集題詞十九首復成七
律讀之愴然於懷依韻和作

遺集記勞三遍校弁詞又見一番書心傷難覓鐫銘筆
腹痛還如過墓車畢竟交情推老輩若爲別傳未全疎

西溪莫作西州路卮酒澆松敢忘諸

堇浦葬西溪曾與
晴江涑園山舟有

清明展
墓之約

元旦余偶失跌海住宗伯詩來其事其日彼此
相同因賦次其韻

元旦瑞日騰太平慶有象肅衣拜影堂目瞿接音響杭
俗賀正客持帖竈下養紛紜徒爾爲避喧少方丈冥心
遊仙都金闕天半仰道逢跨鶴人貽酒玉瓶兩采芝對
酌之勝除積垢癢忽遭毘嵐風墮地增悵快似夢還非
夢覺來記朗朗平生擇地蹈偶蹶奚愁惘已慚驂騑騁
且作鸞鳩搶仆同境不同詩來一拍掌吾羨老侍郎諧
語轉跳盪嬉春步後塵總宜船其上

原作

金

牲

海住

元正例章服齋居侍遺像金經授祖考默誦契幽響
香燈表精虔其敢委役養時時起翦剔往復計尋丈

何緣忘跬步一跌俯還仰有扶應不嗔與影祇成兩
翻身幸決起如馬滾塵癢不教兒輩覺省視增悒快
冠纓紛待理女孫辨聰朗傳言迭奔問神色殊惘惘
勞吾反相慰控地慣飛槍內子解人意諧語資拊掌
八十老衰翁猶然工跳盪好趁著漏瀾娛戲影堂上
正月十六日孫芥舟廉使招集澄懷堂雜述
懸車未及便歸田一舸輕於載鶴船見說卜居還未定
有人門外索癡錢

喬木風烟過舊廬堆牀萬卷有遺書弟兄重會銅盤食

謂令兄
瑤圃

祇恐姜肱樂不如

南湖花隱昔同師水閣菱田賦小詩五十年來人老去
不堪相對鬢如絲
纔過元宵月尙圓滿城簫鼓踏燈天洛神歸路分頭看
若箇心情似少年

送薛葦塘明府還松江

報道歸期已及瓜輕裝料理漫咨嗟縱無天竺石一片
剩有浦江書半車對酒獨憐垂老別探梅尙怪未開
余去臘曾約看梅出城入
春頗寒至今梅方吐蕊春風蕩槩吳淞去猶及清明
可到家

自題嗜酒愛修竹第四圖

三十年來四作圖病餘自笑比僧癯影堂他日畱遺貌
須識新吾非故吾

謝海住宗伯惠天泉

天泉自昔勝山泉忽斷瓶笙幾日煎多謝挑來分甕貯
無憂酒渴五更前

寄團冠霞

有客海陵來得君書一紙乍讀額為蹙再讀心私喜八

十四老翁詩骨鐵幹峙惟念典琴書生計可知矣來書有典

琴賣書古來貧士傳屢空常如此相思不及見緘情報

諸作雙鯉願君慎起居令德崇終始

挽查儉堂中丞

楚南傳秉鉞春仲報騎箕望遠無窮淚傷心垂老時任

黎情不變嵇呂夢前期誰識湖亭酒翻成永訣悲乾隆己巳

中丞赴任粵西餞于西湖曲院亭上嗣不復重見念之出涕

迢遞錦城道郵來雙鯉魚封題重九日把誦隔年書三

絕筆殊妙多材人孰如承寄自畫梅一幅文翁敷化久

染翰出公餘

蒲柳衰時隕崦嵫景易沈病夫須藥物贈我抵兼金七

發數堪比同時惠藥七種寸心感不任且教藤篋貯觸緒一沾

襟

曾說從戎日金川納款平勤勞邀

聖鑒

曠典拜

恩榮

中丞前任松茂道奉茂著

命往來金川勞績恩賜孔雀翎有紀

恩詩八首

承家在遺經插架盈待看

飾終典鐘鼎太常銘

題孫武水九曲移居圖

記客閩南十四秋無緣一問幔亭舟負他九曲溪山好

難得今朝作臥遊

吳興丁小山進士重繪西河竹垞兩先生合像

其圖前為鄭芷畦所作小山意在表章芷畦出以索題爰賦四章

鬚眉二老貌重摹為是當年谷口圖緣起一編論著述

著作緣起一書乃芷畦所著各書之序文也

雅才直可匹毛朱

謝山曾撰掩幽石直筆無慚有道銘

芷畦墓志銘為全吉士祖望所撰

更羨丁儀增掌故網羅文獻到先生

小山曾補吳興掌故

自古讀書貴經濟報

國匪獨在文章長畱不朽今水學故人持贈比琳瑯

金鑑芷畦所撰即今水學昔承何恭惠公見貽

重圖聽說朱茂才藻舊圖我披瓶花齋此圖瞻望人不

見添寫思歸圖更佳
芷畦客淮安時會以思歸圖屬題

病目

卜家詩序左家傳多說喪明後著書似我衰年思慮少
報他張湛莫愁子

細字蠅頭寫日趨巾箱舊本積來多而今漫漶看難辨
恨少屏風糊阜羅

何須仙術學方瞳有願焚香籲碧翁還我讀書眼一隻
不妨任笑作湘東

看朱成碧視茫茫枉說隨時愛景光服散求醫終恐悞
不勞湯熨用陳方
予十年來晨起盥面用熱湯熨眼數十次爲友人揚州程方山所傳

新年九日飯後作是日曾孫蘭兒亦來同飯

四世共一飯歡然集我房殷勤訓汝輩難得菜根香

快雪

快雪初晴記眺湖山顛隔江一桁山色白玉連山下寒
潮凍不起江舟滅沒沙觜前俯視城闔釜爨升瓦溝蓬
蓬勃勃氣上蒸奇絕之境豁塵襟而今寂坐成夢想振
衣千尺無由上天花六出本空花萬事回頭一俯仰

若垞招飲卽是深山分賦得是字

聞君讀書地近接上洋市入春雨雪繁閉戶謝客軌屢
空不厭貧味道私自喜階前一老梅指說百年是花爲

閏月遲春半始吐蕊孤標念同調言招二三子發興我
不如君乃一啓齒持杯酌梅花人生適意耳我今有酒
且同斟有花且同眎不見流光急如駛

挽篠飲

前傳京洛去驚報一棺歸死別畢生隔無窮老淚揮才
名秋榜冠曠達古人幾尙想持杯日酣嬉酒漉衣

小谷過談金陵舊遊

根觸前塵白下遊匆匆又隔十年秋長江莫漫誇天塹
故壘偏多動客愁巷冷烏衣春已去渡荒桃葉水空流
六朝事蹟休重問飽看烟波沙上鷗

槐塘詩稿卷十五終

槐塘詩稿卷十六

錢塘汪沆西顥著

對床風雨集

伯兄早世子曾繪對床風雨圖以追悼之嗣惟與弟浚蛩岨相依垂暮之年友于彌篤常牽率入吟社迭相唱和今年正月弟又先予而逝審其生平所作出自性靈泠然可誦者附存此集中題曰對床風雨集痛我同懷握手無期展卷披圖不勝鴿原之感吟社諸作閒亦附焉

偕在郊弟泛湖述懷

謝却徵書自在身衝寒連襪出城闈重尋某水某邱地
共作一觴一詠人白髮懼遊知幾度青山默對黯傷神
難期再世為兄弟選勝扶筇莫厭頻

新歲竹裏館雜作

玉蘭一甕釀初成卯飲三杯解宿醒子自造酒名玉蘭以色香相似倦

倚欄杆寂無事竹風以外不聞聲

隔年未了詩文債強向晴窗次第償料得春燈好時節

又須牽率入歡場

書來有約補圖經百里鹽官駕短舫耄及豈能供筆札

愛看海上兩尖青時有修輯海寧州志之訂

在郊弟齋頭忽放竝蒂蘭花二朶賦詩志喜子

亦續和

杭俗種蘭嗜閩產千錢一墩青茸茸草蘭一束三錢值
賣蘭不殊賣菜傭經旬花謝即棄擲國香零落拋牆東
予季種蘭花異俗朝培夕灌頻施功蘭也似抱知己感
綠葉叢苗迴春風一莖一花密無次中央一花矜天工
連跗交萼罕所見足慰同氣娛衰翁吁嗟乎世人貴遠
多賤近往往奇葩異卉汨沒泥塗中

原作

浚在郊

去年攜歸蘭一叢莖高蕊白青芘芘土培水漑種甕

柳塘詩稿 卷十六
斗向榮日夕披春風得時花放香滿室位置烏几勤
拂拭旬餘花褪香漸微肯隨流俗輕棄擲自攜蘭墜
傍堦苔迎風浥露潤根荻流光不覺瞥眼過歷夏經
冬春又回葱葱鬱鬱抽綠箭花敷四圍客爭羨中央
一莖竝萼開臭味同心成婉變嘉禾九穗麥兩岐年
豐政和人熙熙不願瑞蘭私一己願化禾麥療民飢
萬物苑枯雖由數貴在栽培有知遇不見失地種當
門鋤去孤芳委泥土

重過四蓮池追悼默齋

行飯扶筇過尋詩步履遲入門飛落葉坐石戀清池琴

抱雍門感笛聞河內悲平生一掬淚泉下故人知

病中雜述

我老百無用齒豁頭已白當餐憎膩鼎臨風怯單綌枯
坐鮮所懽嬾惰展書策靜憶平生事悲來填膺膈兩親
墓木拱一兄桓烏折寸草心未酬作計悔曩昔辛苦持
門戶日暮景孔迫逆旅誰久居委心歸故宅

一姊老且寡熒熒苦無兒終朝淚汎瀾喪明少良醫迎
養歸我室元髮漸變絲寒燠乏定省跬步藉扶持石闕
口自銜衷腸我獨知我姊賢且孝我姊仁復慈天胡降
罰酷善豈不可爲灼艾分痛難我心徒傷悲

兩妹頗賢淑中道亦失偶人世艱危境所歷靡不有辛
勤育孤雛義方本歐柳婚嫁願今畢方一開笑口諸甥
勉樹立莫負劬勞母宅相我本無漫言酷似舅

有弟幼多疾藥裹纏其身惟弟識慎疾勿以憂於親我
自赴徵車萬里走踈踈弟亦撻物役南北馳車輪白頭
始合并墳笮吹夕晨苔屋千卷積竹館一榻陳予倡汝
則和至樂在天倫

結髮為夫婦齊年七十矣衣染竈觚烟裙漬井眉水負
米我遠遊奉姑苦如此更憐無米炊百計營滫瀡不聞
北門謫惟博南陔喜天今償婦勞含飴弄孫子

一子嗣兄後遠客天之涯一子嗣弟後初學語牙牙一
子喜在膝慰我餐飯加先人有彝訓持正行毋褻服勤
期不匱崇儉在斥華詩書安素業清白免垢瑕汝曹守
勿替庶幾望克家

束髮出求友馳驟翰墨場松里厠五子

杭堇浦王麟徵
張曦亮符聖基

四君同居
如松里

年齒序雁行文章互切劘道義相扶將鬪酒

秋聲館聯吟松吹堂永期金石固人命不得長荏苒四
十載先後歸北邙篋中檢遺墨淚下霑衣裳

庭桂

後園兩桂樹團團張青蓋庭前兩桂樹葉少枝不大為

兩妹頗賢淑中道亦失偶人世艱危境所歷靡不有辛
勤育孤雛義方本歐柳婚嫁願今畢方一開笑口諸甥
勉樹立莫負劬勞母宅相我本無漫言酷似舅
有弟幼多疾藥裹纏其身惟弟識慎疾勿以憂於親我
自赴徵車萬里走踈踈弟亦撻物役南北馳車輪白頭
始合并墳笮吹夕晨苔屋千卷積竹館一榻陳予倡汝
則和至樂在天倫

結髮爲夫婦齊年七十矣衣染竈觚烟裙漬井眉水負
米我遠遊奉姑苦如此更憐無米炊百計營滫瀡不聞
北門謫惟博南陔喜天今償婦勞含飴弄孫子

一子嗣兄後遠客天之涯一子嗣弟後初學語牙牙一
子喜在膝慰我餐飯加先人有彝訓持正行母衷服勤
期不匱崇儉在斥華詩書安素業清白免垢瑕汝曹守
勿替庶幾望克家

束髮出求友馳驟翰墨場松里厠五子

杭堇浦王麟徵
張曦亮符聖基

四君同居
如松里

年齒序雁行文章互切劘道義相扶將鬪酒

秋聲館聯吟松吹堂永期金石固人命不得長荏苒四
十載先後歸北邙篋中檢遺墨淚下霑衣裳

庭桂

後園兩桂樹團團張青蓋庭前兩桂樹葉少枝不大爲

木坡言和 卷一六
問何以異恍聞庭桂對石壓土既磽垣逼雨少沛託根
一失地莫拔塵壙外憔悴告主人移植是所賴吁嗟悴
與榮爾桂且勿嘅樹人古有然翻教我心瘳

移榻西廳

舊住竹園裏幽寂儼空山今移西廳偏難免塵事喧人
生無定境委心隨遇安兀然成獨坐喧寂兩忘言

與在郊弟

弟年六十四我較長十一回頭五十載捩眼電光疾言
念少年事中腸軫如結憂慮百千端含悽不敢述負米
走四方車輪轉無歇雁行相背飛我歸弟又出我今疲

津梁弟亦反蓬室形影得相守歡笑日接膝我衰嘆更
甚髮短不滿櫛弟獨憐我苦俗累勸屏絕弟更憫我病
推食不少闕心親意綢繆膠膝詎能匹我有一言規弟
莫私鬱鬱萊妻甘食貧驥子嗣有姪前緣譬夢幻浮雲
看起沒庭前且種花架上且開帙秋涼我病瘥連床聽
蟋蟀

呈二兄

浚

期賢期聖吾何敢陋巷簞瓢我自如莫笑筋骸衰益
甚養培方寸久清虛

浩浩癡懷海樣寬貧居何事不爲歡年來毀譽從人

說定論終須在蓋棺

題焚虛上人古木新篁圖

恒師贈我畫一幅彈指流光廿年速冷泉亭畔重問訊
方丈無人徑草綠宗雷入社憶昔時恒師面瘦秀兩眉
放參以後作餘事短楮長縑無不爲此圖畫意寓禪意
意在筆先別有致枯木狀如尊者相新竹句畱碧雲思
吁嗟乎漸江不作苦瓜死恒師遺墨南金比平生不解
鄭都官妄說僧衣不愛紫

恒上人三次

賜紫衣

同作

浚

畫貴意取意不窮得此意者惟恒公手活筆勁寫喬

木修枝倒撲空游龍新篁迸石裂苔蘚烟梢上裊欹
風轉木垂竹仰意態奇似離而合情繾綣溪環如玦
水急流遙峰浮翠長幽悠我欲卜居苦難得聊張此
幅作臥遊憶昔一宿饌伊蒲南屏山下恣清娛太息
緇廬人化鶴廿年陳迹感斯圖

寬圃招集爽軒納涼同若垞蓀田廣齋在郊弟
作

炎熇何處寄吟鞋瀟灑無如小謝齋露趁未晞來隔巷
風疑瀉水落高槐得閒便占清涼境垂老偏宜兄弟偕
沉李浮瓜期後會良園筆硯待安排

白香山句安排
筆硯待新詩

曬藥

杜陵需藥物老病他無求我老不服藥不藥病亦瘳有
藥貯一篋塵封幾春秋家人曝庭除白蟬走兩頭瑣碎
數十種問名指難周緘題識字跡多是故人投滇黔粵
秦楚遠寄匪一州感彼數君子扶衰意綢繆贈非青玉
案情重黃金鉤厚意久不報欲見渺無由撫藥三太息
臨風思悠悠

對雪和寬圃韻

廉纖細雨驟生寒一雪鄰街走訪難老子夜眠愁竹折
兒童曉起穴窗看市聲不到千家靜歲事旋忘百慮寬

積素遙峯如畫杓清遊邨待陌泥乾

祀竈以殘年風景數篇詩分韻得殘字

年豐八蜡通五祀禮先殫循俗醉司命欣欣神貌丹翦
紙作替代杭俗祀竈翦紙名
替代見節物會典搓粉獻牢丸黃羊乏登俎
青菽聊薦盤媚之恥不為煬之戾恐干曲突冀示徙踞
觚敢為歡齋心默陳詞荒廚神鑒觀求金匪我願惟神
錫平安

同作得詩字

張樞 蘇田

孟夏其祀竈重是炎帝司蜡通施竈馬杭俗小變之
新笏瓦卮注香秬牢丸飾替災翦寸楮老婦實謹尸

膠牙意近慢蘇伯仍傳疑此典設有自非踵少君遺
獻媚天弗福何煩踞觚嬉默禱讖罪過神其鑒在茲
落燈夜集竹裏館同若垞寬圃白河蓀田餘三
在郊弟作

竹館蕭閒冷似僧九枝蘭蕊見何曾月光雪色兩相映
今夕無燈勝有燈

流光又過落燈風簾外梅花白一叢莫怪燈前太岑寂
兩條燭照酒鱗紅

村釀分來酌滿卮何須定賦踏燈詞半酣我向頭廳坐
笑看兒童竹馬啼

同作

浚

老去心情百不寬當杯小戶且爲歡試燈五日匆匆
過頗訝春寒勝臘寒

積素渾如遊玉府深宵又見湧金波縱無火樹銀花
豔俯仰清光興較多

莫嫌簫鼓靜無聲掃雪長街兩日晴預卜豐年欣有
兆野人擊壤樂昇平

春陰

春陰漠漠逼殘春釀作春愁苦泥人病酒心情添索莫
養花天氣失昏晨鶯聲隔樹窺難見燕子尋巢認未真

望遠登樓舒倦眼平原低壓接輕塵

春日閒居雜詠

釋勞無處覓臯蘇丈室棲遲安所居知命不求延壽藥
息交嬾報達官書日暄忽聽鳥聲碎風過旋移花影徐
靜裏情懷閒裏景闌侯庭館恐難如

抗懷漫說古人期忽忽悠悠頭白時毀譽任從他日論
文章獨抱寸心知飯餘無事試新茗枕上不眠改舊詩
我是黃山松一樹托根澗底笑支離

同作

浚

端居獨看日度斗便是香山心出家歡喜已能參自

在逍遙奚用言南華寒憐夜雨催芳草暖笑遊蜂戀
落花眼底紛紛觀物態浮雲起滅漫相誇

衰年那藉頌臺萊白板雙局少客來循徑幽篁多舊
識捲簾佳卉宛相陪詩書檢點常思誤荆棘芟除莫
妄栽更擬露葵松下折清齋飯罷試茶盃

集茂林山房詠竹屏用東坡和人假山韻

底須六曲畫堂環青翠依然篔簹谷顏花發玲瓏開兩面
屋低宛轉抱三閒月明雨落何愁障莎坐苔行相對閒
麋眼窺人如告語笛材莫使罄南山

李義山咏屏詩雨落月明人不知

同作

浚

徑轉廊腰六曲環青瑤相對霽心顏巧援花砌苔階
處得護疎簾小閣閒不隔好風吹冉冉也勝編槿賦
閒閒歸來陶令悠然坐謂半桐寬圃祇欠牆頭一桁山

艮園新竹

竹無分新舊如有皆願識小園一叢竹三益中取直竹
不擇地生種繁滿八極再披贊寧譜名可百餘得入夏
竹解籜青青好顏色地非陽坡饒食藉上番力日涉自
成趣無勞遠相憶

同作

浚

老去戀幽棲室闕十笏短垣延竹光疎籬補竹闕

嘯傲朝至晡凡人白髮今年竹萌繁愛護不起岱
籜解虎豹文節潤琅玕滑青鸞尾垂垂綠沉槍揭揭
夕陽看逾佳棲禽喧漸歇一竿且中之竹罅吐微月

張樞

幽人抱高節與竹成素識園開半畝餘竹種萬竿直
昕夕此君俱往往忘寢食春來竹萌抽戢戢環砌側
次第放新梢便已翠蒙密風來夏清響月上弄秀色
玩之從穉時至老益相得信乎君子人在在有定力

初夏集東臯草堂用儲光羲同王十三維偶然
作十首第一首韻

草堂十笏地漫比蝸廬焦扇戶避俗喧曲巷通平臯首
夏天氣佳剡剡抽新苗散策聽田水頗覺生意饒荷鋤
老不能愧彼農夫勞綠陰四野合鳴禽破寂寥眷我同
調人清遊不在遙

得第二首韻

浚

氣暄衣換袂赴約強杖藜幽居愜野趣延眺適所宜
綠陰垂冉冉成幄非平疇交遠風秧馬次第施
更喜麥登候還值繭獻時放懷生計足良會無差池
香茆許結隣來傍城東陲

得第三首韻

張廷謨 若垞

寂處親蠶簞才上瀾情田孟夏日正永紅蠶剛三眠
豈無素心侶相與拍嗙肩良覲果忽邁戶外聞蹙然
一笑共入室雜坐渾忘年已猶步仄徑容與臨前川
物外恣欣賞奚必藕乘興發高詠豔奪英英蓮
茅堂信庳陋慎勿輕言還

得第五首韻

艾 荃 寬圃

清和好天氣入夏還當春草堂有良約宜集我輩人
主高恰仲蔚嘉添子真時鄭半桐初入吟社相顧髻垂雪新
進漫笑陳蘇詩但愁新進笑陳人搖搖烏帽影跨馬迷前津安
得櫻筍會盃酒時懽親

得第七首韻

張廷俊 雨邨

綠陰開夏景日暖浮烟輕風光延細矚塵目得雙明

勝引況一 叶鸞笙脫落略崖檢心空淡無營

嗟我離 來倍縈情安得共閭井時衰詩懷清

在交戶 八集竹裏館送范樸亭赴福州鰲

峯書院掌教同用亭字

曾記仙霞道當年幾度 瓦穿樹過竹影入雲青佳

境夢難忘為君試誦聽欲窮滄海目直上道山亭

常袞繼敷化歐陽又發硯儒臣期報

國多士在明經新 講餘啜芳蘭座上馨暮春懷抱好

風浴到荷亭 城西

同作

鄭之翀 半桐

竹徑梅方好離樽此載停人臨八閩遠山接九僊青

夢筆題江石談經 看風桃李在樂育徧漳汀

榕繞無諸國籃輿記昔經麻沙聚南版崩劣見東溟

葛越瑩 取綠醺遙知吟賞處荔熟道山亭

送 還天台用李青蓮宣州謝朓樓餞別

薛 去韻同若垞半桐寬圃在郊弟作

湖山之美無地不可以勾畱友朋之樂無日不可以銷

憂胡為故土視逆旅翩然欲去十三之高樓羨君詩材

抱仙骨飄飄下筆思風發定知餐盡赤城霞歸度石梁
弄山月吁嗟生萬事逐水流獨怪離情天上難寄
愁千鍾且附子亦滄江狎釣舟

浚

攬君袂

酒銷離憂人非麋鹿豈常聚送

君直上丹霞之飛樓欲往仙都愧凡骨來朝怕聽驪
駒發別多會里空懷共素月隔墻竹影

翠色流入林嘯傲上破愁秋風有約桂花放重泛湖
頭不繫舟

若垞切

草堂同賦餞春以傳語風光共

流轉軒

真莫相違二句平字爲韻得風字

一番又過楝花風眼底餘芳點地紅鶯老無聲林寂寂
絮飛到處真作陽關唱對酒還如南浦同

多說明年強作

草堂中

同在郊弟過橫塘胡師張表弟書齋題壁

卯角讀

草堂琴樽想遺跡花竹剩餘香卜

築初心

長還成三宿戀生計羨耕桑

三杯卯酒

欹枕篷軒夢乍成獵獵忽驚魚鱗過

司家橋轉身直城

年中

人生百

一病瘡禦寒藉有裘驅暑苦無藥蔭

松可科

亦脚山中難久留還家仍薰灼小堂

雖庖陋

避日南牖扇引風北戶拓幽慵斷

賓朋友

可遞相嬲炎官豈長虐心如止水

澄無憂亦無樂一

尚花相對百病却

若垞

分賦

霜風吹葉

似暄戶乍開急景任隨流水去

荒居難得故人來

山鳥翼悲同折

子弟蔗塘君弟昭松厂相繼下世

氏琴絃驚暗

魂及大令

謂寬

黃公壚畔轉生

張廷謨

中蟬聯忘日斜勝踐掉頭成昔

盡春還長吟伴稀來老

耳般兄張丈尚堪誇

A rectangular table with 10 vertical columns and a thick black border. The table is empty and set against a textured, light-colored background. The columns are of equal width and are separated by thin vertical lines. The table is positioned in the upper right quadrant of the image.

--	--	--	--	--	--	--	--	--	--



